



# Պարույր Սևակ

## Ձիթապտղի ծառը

Ուրեմըն չե՞ս գալիս,-

Իսկ տված հարցին

Ինքս եմ պատասխանում խոցված հպարտությամբ.

-Ի՛նքըղ գիտես...

Իսկ դու

Ինքը էլ գիտե՞ս արդյոք, որ խուսափման ուղին

Կյանքում գուցե կարճն է ճամփաներից բոլոր

Եվ նույն տեղն է բերում արագորեն՛ն, նորեն՛ն:

Ուրեմն էլ ինչո՞ւ ես գուր խուսափել ջանում:

Մոռացե՞լ ես գուցե:

Բայց դու գիտե՛ս հաստատ,

Որ ես մոռացության բոլոր օրենքներից

Մեկն եմ լուկ ընդունում՝

Ա՛յն, որ սահմանել է հպարտությունն ինքը,

Երբ խոցել են սրան՝ գազանի պես:

Իսկ ես... ու քեզ խոցե՞լ ինչ-որ բանով:

Եվ մի՞թե չես տեսնում դու իմ քնքշությունը

Եվ իմ մեղմությունը դեռ չե՞ս զգում միթե:

Ա՛խ այս քնքշությունը, որ ինձ կապուտել է,

Ինչպես Գուլիվերին՝ թզուկները...

Ա՛խ այս մրրկանման մեղմությունը,

Որով պաշարված եմ և օղակված այնպես,  
Ինչպես մայրցամաքը՝ օվկիանոսով:  
Ա՛խ այս «ախ»-ը նաև,  
Որ կպել է լեզվիս  
Անոթության ծնած փառի նման,  
Եվ ինձ կպատճառեր սրտախառնուք, անշո՛ւշտ,  
Թե չլիներ համիդ նշխար-մնացորդը,  
Որով փաթաթվում եմ ես սրբորե՛ն, նորե՛ն՝  
Առանց հաղորդություն սպասելու հույսի:  
Թե չլինե՛ր համիդ նշխար-մնացորդը...  
Իսկ դու գիտե՛ս արդյոք, որ դո՛ւ բնավ դո՛ւ չես.  
(Ո՛չ զարմացած նայիր, ո՛չ ծիծաղիր):  
Հաստա՛տ գիտեմ, որ դու դարեր առաջ  
Ձիթապտղի նագուն ծառ ես եղել,  
Հետո (ի՞նչ իմանամ, թե քանի՛ դար հետո)  
Երկրորդ անգամ կրկին աշխարհ գալիս  
Կին ես դարձել արդեն...  
Գիտե՛նք, հաստա՛տ գիտեմ,  
Թե չէ այդ ինչի՞ց է, որ քո շրթունքները  
Հասուն ձիթապտղի համ են տալիս...  
Հիմա ի՞նչ ես ասում. դու չե՞ս գալիս:  
Ի՛նչ է, կամենում ես, որ ես մեռնեմ  
Մի անպտո՛ղ ծառի դանդա՛ղ մահո՞վ՝  
Երկա՛ր հոգեվարքիս ողջ ընթացքում  
Անվերջ երազելով ձիթապտղի մի ծառ՝  
Հեռո՛ւ-հեռո՛ւ ինձնից,  
Քո՛ չափ հեռու...

17.III.1964թ.

Դիլիջան